



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU **STRANKE PRAVDE I RAZVOJA BOSNE I HERCEGOVINE**

Broj: 03-07-6-1452/09
Sarajevo, 09.12.2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI.....	5

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Stranke pravde i razvoja Bosne i Hercegovine za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda, odnosno kontrole godišnjeg finansijskog izvještaja Stranke pravde i razvoja Bosne i Hercegovine za 2008. godinu, nismo zapazili ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) izvršila je pregled finansijskih izvještaja Stranke pravde i razvoja Bosne i Hercegovine za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2008. godinu Stranka pravde i razvoja Bosne i Hercegovine je iskazala prihod u iznosu od 5.620,00 KM, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	1.520,00	27,05%
2	Prilozi fizičkih lica	4.100,00	72,95%
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	5.620,00	100,00%

Prema podacima iz godišnjeg finansijskog izvještaja Stranka pravde i razvoja Bosne i Hercegovine je ostvarili rashode u iznosu 621,00 KM.

2. PREDSTAVLJANJE POLITIČKE STRANKE

Naziv političke stranke: Stranka pravde i razvoja Bosne i Hercegovine. Skraćeni naziv stranke je SPR BiH.

Politička stranka je registrovana 2008. godine u Općinskom sudu u Mostaru, broj upisa R/3-08 od 06.05.2008. godine.

Sjedište političke stranke je u Konjicu, na adresi Kolonija 66/II-12.

Lica ovlaštena za zastupanje stranke su: Emir Omerović - predsjednik stranke, Muamer Begluk - potpredsjednik, Alija Šoljić – predsjednik Glavnog odbora stranke i Evelina Macić-potpredsjednica.

Lice ovlašteno za podnošenje finansijskih izvještaja je Hatidža Gagula.

U godišnjem finansijskom izvještaju za 2008. godinu je navedeno da Stranka pravde i razvoja Bosne i Hercegovine nema organizacionih dijelova nižeg nivoa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke pravde i razvoja Bosne i Hercegovine za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Stranka pravde i razvoja Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke pravde i razvoja Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

Kontrola finansijskih izvještaja Stranke pravde i razvoja Bosne i Hercegovine se obavlja prvi put.

5. NALAZI

Na osnovu našeg pregleda, odnosno kontrole godišnjeg finansijskog izvještaja za 2008. godinu, nakon što je stranka dobrovoljno otklonila nedostatke u izvještaju,¹ nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka niti na propuste u izvještavanju u skladu sa članom 11. Zakona o finansiranju političkih stranaka.

Troškovi predizborne kampanje

Stranka pravde i razvoja Bosne i Hercegovine je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 500,00 KM.

¹ U skladu sa članom 13. stav 3. Zakona o finansiranju političkih stranaka, prije izricanja kazne ili preduzimanja administrativne mjere Centralna izborna komisija BiH će nastojati da postigne da politička stranka za koju je ustanovljeno da je prekršila odredbe ovog zakona, postupi prema tim odredbama

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Stranka pravde i razvoja Bosne i Hercegovine je u svrhu izborne kampanje za Lokalne izbore 2008. godine mogla potrošiti 6.399,30 KM.

Komentar

Stranka pravde i razvoja Bosne i Hercegovine nije se očitovala na preliminarni izvještaj o pregledu godišnjeg finansijskog izvještaja za 2008. godinu koji je stranci dostavljen 31.10.2009. godine.

Mr. Hasida Gušić, šef Službe za reviziju - revizor

² Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.